

程




節孝先生文集卷第十五

律詩二十六首

弔屈平并序

漢文帝時賈生親弔屈平于湘江其後揚子復弔之其書謂之反離騷自岷山而投諸江客有松滋令朱明府至幾赴官故因其行附而弔之以是詩也

洞庭湖口君須過為我回頭弟屈平楚國誰曾恰直道湘江依舊寄冤聲皮騷義命賢揚子作賦譏傷陋賈生若是獨醒無不可荷蓑猶可釣而耕



重陽日訪馬存秀才席上寄崔公太守

區區拖損一紬袍行到郊居力已勞有命自知誰畏
禍無災可避謾登高黃金菊滿花情薄白玉樽深酒
興豪盡日使君人不至淵明吟醉也陶陶

哭彥規七首并序

徐氏居鄉與蔡氏最舊鄰屋對宅凡已數世矣故
余知蔡氏為詳於彥規又詳也然以斯人足以知
我我亦足以知斯人不必鄉鄰之舊也初彥規
為兒時與兒曹群行余在簾箔間望見覺其氣貌
異於群兒意甚念之後一日忽來刺謝然後知為

彥規矣取其所為文讀之已與時輩不類蓋其辭
皆所自出又能自立意理不蹈不襲凜凜可畏矣
才固出於性也然後至於克積盛大也如此宜其
文名冠其東南之秀而賢士大夫所以親慕者不
獨在乎文而已也余外氏在閩中自祖父母而下
凡八九喪積數十年未葬彥規却有閩中官即與
之買地又為之謀葬其棺衾器皿一切所須自首
服而下裳衣舄履無一物不具葬有月日而彥規
病矣即以成事付其孫正正行其所未了者獨未
為埋銘一事不見其棺就窆耳蓋彥規平生用心

其義大率類此而世俗必待見而後知之也彥規卒官京北其守呂公哭之甚哀應襄事所須盡出呂公也而至於謀及家事如鄭元於孟氏也於是諸公遣使相屬有二主簿者唐君劉君也亦忠於其事近乎孟氏之有樊子也孟氏無兒女二季俱在江南東野以六十四歲赴興元之辟道病卒於閩鄉其妻買棺用二人舁歸洛陽此亦不足為窮也唯其不幸無子耳彥規兒女六人以四人自隨自寢疾至屬續常在骨肉眼中同官問訊朝夕在門食飲藥物不問可知其得所也易衣而後斂擇

木而後具棺不知凡用若干人舁歸兒女護喪道中早晚饋食其伯兄與二季率內外親屬迎喪於洪澤葬于先塋既葬而虞設几筵饋食如平生時嗚呼神乎其安之乎子可無憂矣孤兒女有所依不失所也諸蔡以骨肉之恩同謀婚嫁在數年間耳二子使從師學凡我鄉里之人必有忠於教誨者焉子雖不幸矣將亦以此自慰也古之人或死於亂死於讒嫉誣罔幽憂怨懟不平之忿或死於浮死於驕死於毒害少恩死於不及已甚而最甚者姦諛佞邪情狀暴露羞辱氣沮以至於死也彥

規官為主簿隨所居官以行其義也面無邪色口
無邪言身無邪行所以事上官也生於平世何所
戚耶君子謂彥規生為有義死為正命故謂之有
終也嗟乎彥規生平不幸動輒有礙所欲者不得
為所為者不如所欲唯葬王氏一事臨死時適無
礙耳使之平生無不幸盡其所欲所為及於物者
何如也古之人既責用事矣而不如意者十常七
八何況匹夫賤士乎此君子所以常恕而不怨者
常已甚也凡吾言所以及此者非以示後也將以
慰彥規於九泉耳喪至之日余扶疾往哭其棺已

下將掩壙也因感范巨卿事意有所愧既見於詩
即夜夢彥規見予於僧廊渥手號哭嗟乎彥規雖
死猶能相恕且不忘我豈顧不能為張元伯者乎
我自不及巨卿也

已矣哀哉死有終青衫就木未為窮義如有枉榮斯
辱事苟無邪蹇勝通力致全喪關右帥泣尋孤襯郭
西翁精神入夢非生及使我低顏愧古風
初余視子髮垂肩及至成童便聳然憂患纏來成白
領聲名隨去入黃泉孤甥見恤情非淺暴骨收藏義
可傳多少文章零落盡朝廷何處訪遺編

與君相得久忘言晚更傾腸共豁然刻盡丘陵平作
路決開溝澮合為川古人刎頸終相殺世俗操心愛
脅肩六十老翁能有幾却尋舊友尚黃泉
有時半日兩敲門語罷南窓坐北軒意外得文哀絕
筆理中論事酷能言須知是物非無本若論斯人自
有源不蹈不襲真所性洪河自古出崑崙
青衫伴我情彌重白首期君事忽乖天下若教俱好
義道傍安得有遺骸且將綿蓋孤兒寢誰折荆為稚
女釵吟至此篇還索酒更持姜桂坐寒齋
我誦千漕噴雪詩急提筆去寫僧扉碧蘆陰處評文

坐黃菊花時載酒隨老丈為兒親送藥哀翁賴子少
呼醫最是秦中藥枯骨不須銘墓只鐫肌
道傍有無車馬通朝復莫兮秋且冬草頭半折木已
空鳥啄噤兮霜與風白鷗肚上殘日紅一丘莽蒼黃
昏中亦有松陵怨詩否此詩誰訪談玄翁

贈胡大夫

好讀奇書好運籌橫刀常賦玉關秋銅符正選千兵
守金印猶虛萬戶侯艦趁潮來家易到龍投池上劍
難求應須讀盡平蠻策二廣封疆近古州

寄呂帥五首

北邊控扼重瀛州虎視鷹揚屬壯猷盡道胡人新斷
臂安知漢將欲吞喉為文法度堆青簡奉使勲勞半
白頭六路全秦與全魏不須野戰覓封侯
師屯十萬建牙旗火燾森森重使威燕領將軍宜繡
帽龍驤戰士愛犀衣銀鏘作隊行春去蠟炬成林校
獵歸更看鈴齋憑几處文如布陣翰如飛
胡人勇悍真勅敵漢將威名重太山隱若金城當一
面橫如鐵陣控三關防秋甲士屯田去牧馬毡裘避
塞還儒帥著書閑暇否兩淮人物太平間
帥臣所統在燕南事事如窺指掌間仗鉞精神堪破

虜搃吭形勢正當關十州部分連滄海一道軍聲過
黑山文武非徒尹吉甫前時方叔已平蠻
事皆術內宜謀帥奇在胸中合運籌戰士常騎突陣
馬將軍須養犒師牛雅歌坐燕春歸塞緩帶行吟月
上樓且勸主人宜飲酒邊城六月已如秋

贈劉懋功 并序

縣令劉懋功赴官貴池見積于南郭出詩一章乃
泚上李次翁所贈并出其簡見索繼和因次其韻
以為贈言詩未及錄又得一詩於枕上併酬次翁
累詩見寄江南早春到官時候梅花正開如驛使

來并附此詩次翁得詩不一覽而止也即須依依
引首東北也白鬚老柳俱在目前其日之夕携酒
賦詩夢遊南郭矣

李令歸來歲月深池人得子貴其情定知縣事依前
簡還見官曹復舊清如問以思謀所貴能嚴而怒罰
斯輕芙蓉水上人相憶因寄梅花附此聲

贈汪判官

庾郎醞藉本仙材適自王家池上回楊柳風前紅蠟
炬芙蓉香畔白髯顛便搖健筆揮詩藁仍替衰翁倒
酒墨說與泗州倪發勾夢隨淮水向東來

贈劉閣使

犖犖雄名駭世間堂堂誰敢舉頭看高談豹畧人無
敵誰污龍泉血未乾蚩蚩急趨金殿肅胡蹤深入鐵
山閑關中自弭詩書將肯愧齊王在將壇

寄路倅

此中可恨恨無山猶勝紛紛富貴間綠野盡充公好
尚朱門安得水回環對雲披住雲邊浪踏月空行月
下灣好戴宮紗著宮錦時時吟去復吟還

和范君錫觀梅二首

君看梅艷似何人不畫娥肩色自真吟寄北風淮上

雪暖思南國嶺頭春莫嗔俗眼偏相棄若比夭桃太
不勻我共參軍同所好折來酣笑挿烏巾
月庭有影終難辨雪徑無香不易分江上肌膚新出
浴嶺頭環珮忽藏雲少他幾幅青羅袂解與何人繡
段裙我愛此花真一色將詩急報范參軍

和呂祕校觀梅二首

若論君顏色瓊瑤未足稱花中誰作偶物外獨先春
有艷皆歸撲無妖可媚人江南看已厭洛浦種還新
日晚巫山雨墻低宋玉鄰施朱其已偽傳粉亦非真
堪把歌詩贈何辭唱和頻君篇為第一便可獻楓宸

又

寒梅雖淡薄乃是物之珍天與離群性花前獨步春
江臯多冒雪山路不逢人根本蟠雖久花跌長自新
妖姿雖共處正色願相鄰縱使紅為飾何如素是真
北人殊未識南國見何頻須假東風力春香到紫宸

寄顧瀛州

本朝謀帥得雄剛氣語無邪面自方掌握事嚴持斧
鉞咽喉地緊扼豺狼鐵林猛士新翻陣幕府奇書舊
滿囊可減邊兵三十萬匈奴走入黑山巖

送倪敷復三首

手持報簡人歸後足步迴廊角住聲但恐舟行隨早晚此時秋色半陰晴明朝路向雲邊望今夜詩須枕上成四壁無燈窓有月直無老夢到三更

送客經三日每夜忘眠約數更枕上尋船無夢

去窓間望月有詩成莫愁病叟添愁思為恐行人趁晚晴急送村醪追後乘要教飲處憶南城

各自逢人且寄音仍須南北夢相尋已成鳧鴈分飛勢更值淮湖連日陰每論事時於義切重來別後此情深山東定飲登高酒刺折黃菊望我吟

節孝先生文集卷第十五

節孝先生文集卷第十六

律詩四十一首

寄呂海州嘉問

朱輪海上新迎部玉笋朝中舊立班曾屈高風來泮水宜將老夢到朐山霞張列炬紅彌野潮作飛霜白叩關三四百州為第一日華先照郡樓間

贈至幾五首

淮東學士求新範海角仙人乘舊居不用更携乃揚子醞但來同墩庾郎蔬赤墀待把文章獻黃受難親議論餘泮水宮中方就講何煩留下橐中書

西城塔下逢君後南郭庠中借館居正共孤甥棲暖
席未如老圃灌寒蔬直生豈敢嗟年暮餓死猶慚乞
祭餘六十衰翁如可教更忙須遺所藏書
僧房幾載如禪定州序今來以義居直道褐衣猶勝
錦枉身牢鼎不如蔬何心敢冀漿先饋無善兼令歲
有餘最是學文方自訟只堪把筆教兒書
南州本是諸儒秀上國宜從大隱居別我好留仙竹
杖送君欲獻野芹蔬所慚下士文章陋未報諸公禮
義餘若見汝陰前太守為言迂濶正談書
誰家門外柳雙株滿屋清風是我居霜後正逢籬下

菊雪前已貯甕中蔬沫流口角耽吟睡毛墜頭心久
病餘努力正如初學輩老瞳昏澁夜看書

復明經

上欲求稽古天書下四溟儒風久湮鬱詔意乃丁寧
剝削因唐氏源流自漢庭春秋披日月易象炳丹青
禮樂搜潛奧詩書抉杳冥今焉拘注疏何謂復明經

和蔣龍圖

吟翁如共老莊游物外能齊樂與憂鼈背不為三島
客魚竿終泛五湖舟何須大使詩來問合使幽人病
為瘳陶令菊花猶有在未知肯飲一杯不

送呂清叔四首

人為多情乃送君，余雖不送情更深。
破窓半夜風霜冷，危坐燈前為子吟。

平生志在青雲霄，十年不飛藏羽毛。
夫子乃是知我者，吟詩贈子何辭勞。

忽忽一棹向東行，抖擻空囊無一金。
買魚沽酒向村市，典却蔡家焦尾琴。

深院吟哦夜半時，須有鬼神聽此詩。
吟聲徃徃到明月，淮上有風搖桂枝。

和蔣穎叔二首

城外人傳大使來，吟翁正共客銜杯。
赤帷便記長安道，駿馬仍思御史臺。
義色可令姦膽破，剛姿不為疾風摧。
公能幾日山陽住，待報舟人且倒桅。
盛德尊光不召賓，玉環星弁自迂身。
北窓卧者陶元亮，大使車中陸子真。
自道老來心逾壯，若論兵後氣彌真。
所慚舊學非精義，仰負高風如古人。

送人之洛陽

待到伊川濯盡塵，洛陽城下且留身。
文才得似長沙傳，試問如今有幾人。

寄蘇子由

午日移陰後行人罷燕時路從西郭去船值北風吹
夢裡猶迴首心中欲附詩從來義如此兩意自相知

贈慎叔良

我是東臯叟君居在屋東已曾同硯席最好共耕農
蕙帳兼棲鶴藍輿亦帶筇若評樵採事須更喚鄰翁

寄田大夫

老掾成迂濶彌年信不通白頭負高義病眼想清風
奉使更三節題名在兩宮有人能舉類舊德起淮東

寄慎朝奉

一別三千里俱為六十翁日中多俗事枕上憶清風

聞子生雙鳳省書快兩瞳以囊仍貯果寄我厥苞紅

寄張景修

東南未回客行樂又經年吳市花朝酒松江月夜船
窮閭無屋住廣殿有詩傳若論平生事無如任自然

寄朱博士

吳有朱夫子相知凡幾年心忺閉門叟書附過江船
行已為人表文應許世傳臨風有餘誨時復慰皤然

和李閑中

幕官真有道野叟是何人被此新詩贈兼之古意醇
若論今古事前是老農身誰謂芙蓉客能來相顧頻

送王潛聖四首

前日喜重來今朝復送迴出門無僕馬為子走風埃
遠客有詩贈短亭無酒杯南州雖得士東觀却遺才

又

一自渡江津茫然不記春船請淮上月馬慣洛陽塵
可去問唐舉未須慚買臣終令舊閹吏還似棄繻人

又

兩翅慢如雲倦飛歸故林褐夫懷有玉貧女無金
北闕報初罷南陔情更深升堂拜親後先者白頭簪

又

南北倦遊客離家幾問津文隨年共老名與德俱新
射策謾稽古抱關猶誤親窮通只如此寧愧斷機人

送李守

千兵州將已嚴裝猶入西庵曳繡裳坐燕起來中酒
色行春歸後落花香難酬高義情彌重欲述餘恩事
更長但看楚人渡道處草頭垂泪濕殘陽

寄林處

昔者淮南使剛中輔以和生前無所苟身後事如何
有子泣枯草無人誦蓼莪林公為不死下客謾悲歌

送蔣憲二首

節用黃金詔紫泥皇華仍賦使臣詩三千里路爭迎
送五十州官待指揮盡解纍囚南到日却尋急傳北
歸時趣裝亦有明珠否八樹成林桂一枝
遠服兵刑事可知全吳分野有星移漢家詔使登車
後蜀道忠臣叱馭時山色迎來城到近桂香隨去馬
行遲梅林亦是公家管廣帥應須寄北枝

和蹇受之四首

出乎志者莫如詩商也能言得自誰雅頌漢時猶未
遠風騷齊後若何哀翰林飛去秋鷹健工部行來老
驥遲亦有孟韓聯句好姓張貞外合肩隨

右詩

清而勁者笛為奇哀絕孤高更不卑日暮誰人凭樓
處月明離婦擣衣時何煩作賦攄師憤最好傾心破
主疑一弄便能歌怨曲唐衢義哭合相隨

右笛

醉鄉恍惚在空虛若論真恬世所無坐客任貪清者
聖令人何作古之愚宜教側帽穿花過更好敲門趁
月沽誰似陶潛最溝瀆籃輿歸去不須扶

右醉

笑樂真情豈可誣樂而不笑是何拘日中無事逢甚

局春後有花兼酒壺輕俠兒前撫手掌滑稽傳後掩
鬢鬚江南陸俊還安否乞與筇杖使自扶

右笑

謝趙朝散

一識明侯二十年老農依舊未歸田學無所得成迂
濶義有其終尚愛憐下筆自書青竹汗上樽仍附玉
山泉如斯厚意難空飲待折梅花配酒船

謝秦少游

并簡參寥

講罷潮溝吟綠槐手持銅鉢符相陪青瞳好客難留
住白足高僧又帶迴今日許尋陶令菊明年約寄陸

生梅龐公妻子方炊黍且報舟人莫起梳

送李漕

淮上衰翁何所為有人寬厚誤相知光華奉使方行
部款密成書更附詩在泮飲時常睭睭乘輶過日倍
遲遲緣公禮義如斯重好寄梅花近北枝

送雲鶴山人

倦鶴尋流水閑雲歸故山青囊書在否留取教人間

和孫元規資政游園三首

禁烟娛樂且須頻二月風光特地新料得壺中無俗
客更聞歌者盡陽春酒來花下斟瓊液茶向松間碾

玉塵應笑謝安空寂寞東山終日為何人
紅作簾帷翠作裯隨軒歌舞一時新未知醒者何如
醉且向樽前莫負春烟重柳梢寒醮水日高花徑暖
生塵自從三月芳菲後誤入桃源又幾人
竹為籬落水為鄰草碧花紅一徑新盡日歡聲連綠
野滿城和氣入韶春歌姬汗濕眉間翠舞妓香生襪
下塵酒陣詩兵皆大敵未知元帥屬何人

節孝先生文集卷第十六

節孝先生文集卷第十七

律詩三十一首

贈玉師失鸚鵡一首并序

僧有玉師者養能言鳥一日食飽輒去作失鸚鵡
詞以遺之

淮邊羈思嶺頭雲紺彩騰時電影奔一日恰如時輦
事十年空負主人恩良因外貌貪馴性何況中心狎
巧言他日雕籠如再養玉環金鑲鐵為門

淡烟白浦月黃昏倚遍闌干空倚門接翅定思雲外
侶偷棲應望水邊村盡傳世上新詩去惟有籠中舊

物存便是却來休更養不能成事只能言

謝蔣穎叔二首

赤惟大來皇華使鳴玉鏘金訪教官紅旆緩搖春日
晚清風先入泮宮寒一瓢鄭叟醉初醒五柳陶翁卧
不安便着青衫迎謝傳更無茶果薦杯盤
吟翁未去水雲間坐假虛名屈上官忽似仰山心貌
竦更思言事骨毛寒繡衣自可招黃綬星弁湏來對
鷓冠莫怪開門迎候早今冬無雪卧衾安

泣謝陳德任

義重江湖叟情施墟墓間孤菟慰長夜老淚濕衰顏

一奠方銘骨三年更倚山更分心兩處恍惚自收還

和湯令

所幸生平世甘於貧與廩被譽嗤杜簿挾勇趾荆軻
已恨逢君晚無辭教我多野芹容一獻更索採樵歌

召汝弼

外府新讎校問君來不來春隨流水遠日被落花催
煩子神仙御盡予賢聖杯何時松徑下同坐踏蒼苔

賑飢篇贈程守二首

楚有循良守流民萃一方薪蒸溫病骨菽粟飲飢腸
永欲充編戶無心憶故鄉恩深何以報惟有一爐香

又

乞得諸倉粟流民獲所依
已燃薪禦凍仍用楮為衣
病骨蒙新暖羸肌復舊肥
故鄉雖有屋此處可忘歸

送山陽宰高奉議

大夫歸旆暖搖春正好
浮淮向汴津一片青山迎去
棹兩堤芳草伴行人
當官事業今彌邵
滿橐文章老更新
記取吾鄉蒙實惠
吟翁亦是舊編民

送吳坦求師仁

清風門外客移船
南郭衰翁但惘然
未吐赤心無限事
重尋皓首幾何年
茶須飽飯吞甘溜
酒使空心注

玉泉醉倒淮東鄭
雲叟吟哦聲調入雲煙

贈穎叔

一從西郭恩初重
又至南庠義更深
自恨杜微無所聽
若忘龔遂是何心
已知霜露情彌感
更值淮湖氣作陰
昨夜起來無月色
誰知我為蔣公吟

答李閔中節推

王家池上芙蓉客
曾把新詩贈野人
不道形骸成土木
却言風月長精神
凡禽易識甘題鳳
野獸難分誤比麟
努力唱歌酬不得
枉教白雪落紅塵

和沈判官

精神滿腹其才裕清白當官所姓存國士正居王儉
府野人未識李膺門詩筒便恐傳新句酒席方陪飲
上樽從此定須懷賤叟他時來訪我兒孫

謝蔡子驤

好客重來直上廳龐家妻女合炊杭名言一坐令誰
聽老病雙瞳為子明有道長官方就祿無能司戶欲
歸耕如斯出處俱平易義理難時即共評

寄朱至機二首

雲出無心鶴倦飛還家惟笑絲為衣雪醅為壽酒初
熟玉鬻供甘魚正肥侍燕每操筇杖去看花常御板

與歸故人願子無窮慶莫使淮南音信稀
六十詩翁愛幅巾清江濯盡洛陽塵若無野客來同
巷合有山僧去作鄰醉卧不知雲到枕吟行唯許鶴
隨身眼着富貴真如梦說到窮通定笑人

寄穎叔

南郭茶杯菊未香西簷老柳覺疎黃家無縣令雙鳧
罵夢有仙人五色羊梅信易傳來嶺北鴈書難附過
衡陽定知遠俗懷公義若說威名背負芒

送婁六秀才

趨時之悔真良說枉己之徒信厚顏學者淵源當似

海丈夫持守要如山挺然特起麟孤角鄙矣誰窺豹
一斑為子臨行雙泣下白頭人倚夕陽關

和楊守清容堂并序

山陽太守楊公知開封縣作堂于治所名之曰
清容士大夫美之以公自道也於是作詩累成大
軸公不以某為陋使得與觀焉因記東漢陳蕃之
徒清而少容其敝也隘故至於疾之已甚而遺患
天下漢氏之所以敝也唐之郭子儀賢將相也考
其心迹有容民畜衆之德然失在太寬故其下多
不奉命失師之律其咎如此然後知清而有容足

為全德以此意述而為終篇也其辭曰

赤縣堂各清與容主人兼得古人風此間便是烟波
上何處更尋山谷中志激懦貪舞弊俗詔宣寬大有
餘功若將全德評今昔應笑陳蕃郭令公

書秋梁公傳

李氏山河勢若逢手提長劍截長虹請將唐室中興
事可比汾陽再造功直道不為邪黨敗逆鱗深得諍
臣風儒生若有逢時幸未必勲勞盡在公

夜賞春寄敦復

莫道山陽官苦辛大夫未是不閑人晝來琴上披尋

曲夜入花間點檢春拖袂帶歸香滿袖迴燈引去蝶
隨身高才自有風流格吟作吳謠事最新

戲荅君錫酣戰之句

檄書挿羽來何速鐵騎成林勢未分北墨噉聲雄似
虎南營殺氣猛如雲陣前劔客投犀袂帳外歌姬曳
繡裙且待揮兵酣戰罷却行三舍避將軍

和崔刑部凭欄

伏讀凭闌意私心輒慨然聖徒須企聖賢黨必思賢
主上方高枕民間正息肩使君當自逸治狀已光前

示汝弼

十載交情義有餘離群還歎索然居一番思我須成
夢每度人來定寄書此日相從尤款密他時何處覓
迂踈回來徑哭青塹墓莫向南城問舊居

和汝弼

蘆葉啣來逢北鴈筠筒信斷候南風看回白馬殘陽
後吟盡閑雲落月中酌水何時尋陸子寄裙前日為
梁鴻孟光多謝閨房秀醉酒亡繒是我翁

呈敦復

朝奉清心自皎然應將外物比腥羶詩歌與性相娛
樂聲色因喪永棄捐有義睠余東野舊無能留子北

窓眠殷勤為醕陶家酒更送甕杯與竹牋

代書寄次翁

病叟雖迂濶交情自不踈喜逢歸去客為謝寄來書
入幕評文後臨川視事餘携壺吟兩柳還夢野人居

上蔣公

公如鄭相怜窮士我在所知韓孟間下客心形渾是
木高賢礼義欲齊山十年用力人誰及百計酬恩事
總艱投筆若從班定遠橫戈先出玉門關

和路朝奉退居

彼美東南雋光時作外臣有何歸去物全得老來身

一節都無變平生總是真勇於羅守退甘似庾郎貧
士望今誰耦儒林舊絕倫其心醇是本以德厚為珎
避盜抽園笋容奴取庫銀時情付流水外物盡浮雲
久矣謀閑坐誰呼願要津書箴萬卷好詩換一筒新
聚道為家法分糧卹外姻清風還楚部餘惠在江民
藉草宜蘭佩穿松稱鹿巾鱸村湏活鯉羨劑要香蓴
日暖花村路風溫荇浦春耽吟白居易士沉醉李仙人
驥鳳鳴來久駒雛教已馴義終光國史名自壓朝紳
顧我愚而陋煩公愛以仁深恩無報處北望正勞神

送至機

閉門有幸歲衰病策杖無因奉俊游繩纏舫骸方就
枕火燒皮骨正思秋覽君律句如逢藥慰我孤懷勝
凭樓見說東裝行未得夢魂先到楚江頭

節孝先生文集卷第十七

節孝先生文集卷第十八

律詩四十首

寄路倅洪澤阻水二首

黃金宮闕紫瑤闌鷓鴣思陪玉笋班仙仗好教鳧舄
去客槎却在斗牛間有為義對霜濤湧無敵詩同鐵
陣閑誰報京師群弟子先生吏隱鬢毛班

莫教容易過龜山多少人心願復還更有南城黃綬
客但吟西戶綠楊間纔經濁汴無澄浪且趁清淮洗
醉顏安得就公歌一曲緩吟遲步夕陽灣

和潘朝奉鄒國公配鄉食

丹書一下人神慶美矣先朝貴孟公能與百王與漏
典長令萬國仰遺風躬為獨行生無祿道配彌高祭
有宮孰謂濶迂窮至死正而窮勝枉而通

和路朝奉新居十五首

世俗紛紛事總虛詩翁今作逸人居勤穿東地緣栽
竹喜占明窓為著書近市好賒春肆酒就淮仍買晚
罾魚忽撐小艇來西郭不問皆知訪仲車

詩翁愛酒典衣沽六子將孫侍燕居正要白家醇釀
法不須劉德偽金書厨經雪後炊無忝門近淮瀕食
有魚何以獻公尋物庾郎三韭載盈車

昔也聞名誦子虛今來白領隔城居新詩解道論頭
句舊客仍移把臂書北郭高風真隱豹南州循政喻
烹魚歸時見說臨川路父老爭留太守車

陳傳門前客姓徐有何智術佐間居接簷俛仰令遮
雨縛竹縱橫為架書趁雪斲田移草木和灣汲水貯
龜魚上元已過清明近更約尋花不用車

誰家住處近田廬朝奉抽簪就退居竹葉已成新歲
酒梅花未領故人書呼童解袂捫飢虱趁日開箱曝
蠹魚一似散仙閑到夜卧屏仍看五雲車

坐想堂前弄白鬚蒲茵荀席正高居絲衣六子傍供

簪錦髻諸孫自教書愛士主人新置榻清身太守舊
懸魚更吟整斗論頭句勝却西庵詩一車

不辨時人直與迂濯纓且喜近淮居朝衣脫後常耽
睡野史脩時或借書恨乏青山供採藥愛看白鳥伺
吞魚東園賣酒花開近待看詩翁倒載車

簿領脫來如一夢身名全後喜寧居生來自信無非
義世上何緣作謗書所養有源如大水其賢可樂比
嘉魚願公八十為更老王幣三招乃就車

自是平時大隱徒何須水宿與山居都無長物垂空
橐却有閑房聚逸書近見雪消思野蕨遙呼舡問憶

江魚卸帆便去尋村酒醉使兒孫推鹿車

身着練袍履用蒲鶻冠鳩杖稱郊居家中但乏青囊
印坐處便看黃卷書賃屋為無楊子宅休官非為武
昌魚長年不出何妨事况是門懸致仕車

夷白先生好對廬醉吟處士作鄰居幅巾自去呼樵
父蠟屐何時訪竹書坐想高談搖塵尾情知相許跨
鯨魚更憐同姓陪樽酒勝却荀生得御車

路家巷口是何渠半似城中半野居已退白仙常按
曲未歸陸俊謾傳書雪消墻外逢挑菜日暖門前見
捕魚更有花間行處樂舊時歌舞願隨車

好養玄猿共鶴雛茅茨蓋屋竹間居家無越使千金
橐腹有齊臣四部書一自臨川登盡鷓便煩別駕掌
銅魚吟哦還作詩仙退恰似駮鸞鳳駕車
世間詩淡鄭雲叟壽且安寧陶隱居愛酒自間浮蟻
甕耽詩如好換鵝書籜冠戴後摺筇竹鶴髦披來控
鯉魚學作蓬萊吟醉客何須駟馬駕安車
西庵翁上北城隅為望臨川舊守居所恨足無雙翅
駟但將詩代一函書甥教洗盥多沽酒妻使磨刀細
切魚洒掃待公來獻壽親扶杖履醉升車

送路倅二首

所居有本能行義此去無人不戀恩情似綠波長送
棹夢如飛絮忽隨軒帳前舊學千餘山橐裏新文數
萬言何日從君溫故業待操几杖問淵源
我曹初作絲衣郎白紵先生正擅場大筆可堪專簿
領遠圖終恐用文章清淮絕唱新盈卷綠髮竒篇舊
滿囊此去功名都未測公年方永力方強

和石宣德五柳亭安正

五柳神君氣貌端所希所向靜而安每思徃行投閑
地肯逐時情慕執官林酒易醒風戶猛葛巾難卧月
窓寒也應種得東籬菊好置籃輿自在觀

送秦漕

昭昭所性詳而辨坦坦其行樂且恬公義已令淮部
肅清風更入朔方嚴行無瑕類孤標偉養有根源數
器兼猶使樵夫來教我樵歌為述古人謙

送宮教郎朝奉

博士高才御點名往陪群俊盍朝簪門須錦詔先生
入帝錫綈衣後殿深設坐宮官嚴絳帳執經王子肅
青衿克親已被欽文化更倚師謨稱上心

送李憲二首

使臣車用赤帷裳帝選明侯重嶺陽後乘未離淮分

野先聲已遍越封疆宜教廉吏心如水但恐貪夫背
有霜大抵當官須去害人間所在有豺狼
五舡鳴鼓待嚴裝且赴雙蓮舊燕堂不用水沉薰紫
綬過梅林後一身香

送程守二首

楚人相喚守河梁鳴角樓前駐畫櫓未肯放舡來北
渚且教載酒去東堂傾城和氣傳芳草沿路清風配
綠楊見說新班名玉笋赤墀登對待馮唐
聞道西城欲解舡病翁懷抱更騷然將心已附諸生
輦策杖難隨庶老肩負義本非今世俗報恩終愧古

人賢不才自訟無他技合作詩歌更有篇

送人從軍

古來雄雋是從軍問罪殘羌正有名黑契將陪黃鉞
帥銀鎗隊推鐵林兵十州假息恩涵覆百載逋誅事
貫盈首惡便應囚巨轡壯圖難議請長纓須空大漠
遷降虜好決洪河刷逆城報國主人心更勇西山勒
頌得班生

贈山翁

耳聽人言似不聞心於時事若無分一生已是青山
物更欲將身換白雲

山翁答無分之句

身邊外物雖無語事到中心自有分莫道山翁頭似
雪心如劍戟氣如雲

謝張才甫筇竹杖二首

老來無物可措頤正要一莖筇竹枝滿袖清風秋月
淡陶潛逸遍菊花籬

手中忽把一枝筇稱我逍遙林下風不是西征車上
物臨行自合與詩翁

戲呈魏評事三首

北齋有酒夜開門獨酌燈前酒一樽只被詩魔無處

避待教醉魄戰吟魂
我向燈前置酒盃南軒北戶一時開如今正是花時
節且放春風數路來
紫府瑤闕夜更深阿誰閑醉洞中春呼童去問煙霞
事只見桃花不見人

寄江子和

為問江先輩何時訪白鬚老懷何所慰得子寄來書

和路太博

莫教竹馬誤群兒謝守行春未可知落盡梅花寒食
近却應桃李怪來遲

謝穎叔

能歌白雪公常事不醉黃花我幾曾一絕便勝書一
紙情知高義過劉弘

寄王觀文

扁舟欲泛湘江月亦泛洞庭湖上春十年此意逢今
日且喜洪州有主人

別崔刑部

黃金何日上燕臺致主猶輕樂毅才便是功名未如
意報恩寧肯惜重來

送秦少遊

叟罷耕耘妾罷機
恣恣人意甚牽衣
可憐數里笙歌地
但見一番楊柳稀

節孝先生文集卷第十八

節孝先生文集卷第十九

律詩三十三首

送慎彥鄰赴舉

天子詔多士
喜君為此行
美璞必三獻
大禽終一鳥
寄蔡子驤

為報廬陵客
逢人且寄聲
不知無恙否
何日到南城

送管久中

半開醉眼天方曉
急遣詩筒去已遲
別恨離愁無盡處
青山綠水有窮時

贈鄭毅夫

致主躋民道未完白衣卿相且盤桓龍頭已是輸君
早更向麒麟閣上看

戲荅何楚才酒肆

身在塵埃氣在雲丈夫貧賤豈須論且為韓信淮陰
事休着相如犢鼻禪

和張文潛晚春四首

留春是芳草送春宜柳花日長花正亂誰倚闌干斜

又

問花開何遲問花底急飛人間惜花少闋苑等花歸

又

易貯千尋水難藏一點春也須幾杯酒還似送行人

又

渡水衣須扱穿林手自披經春脚力軟但恐上山遲

二老寄朱廣微二首

二老相思又隔年僧窓閑坐復何緣吟翁最好益城
住時把歌詩付酒舡

寄聲切問朱監利對面勤詢劉貴池或見廣東程使
者為言收得寄來詩

送曾子開

揚子江頭風正寒行人莫嘆渡頭難江頭楊柳豈常

在但向江頭洗眼看

送慎彥鄰

只知北海鵬將化不謂丹山鳳正棲却憶吳江橋上月共君長嘯入雲霓

吳舒信道

淮于風起木枝搖領下鼃甌一尺高我是折薪扶耒手中丞且莫笑麤豪

呈張敏叔

子善居官事可宗淮西聲譽接淮東皆知所識明無敵兩主斯文敏有功麗賦總應輸老匠清詩恰好送

秋風便乘急棹辭譙守酌酒仍吟塞上翁譙守謂蔣

公也作此詩時未知蔣公所之乃今知在符離

贈探花郎

探花車騎似游龍未入桃園先閤風衫上十分新染翠衣間一點半開紅身如驥子無雙俊人報鼃山第幾宮便是醉仙何處去上林園在五雲中

寄呂秘校

淮上詩盟不可尋詩筒來往負初心風花雪月雖無限留待他年共子吟

贈余進士

江南風物清溫好關內河山氣勢雄更看蜀中山水
秀一時兼取作吟翁

寄王潛聖

誰言急景似飛梭我把光陰欲快磨却想殘春笑君
處無何有路覓君多

荅范君錫

有人惠我一枝花五彩粧成千萬葩蜀紙寫詩酬國
艷吳餅汲水貯香霞半酣酒色從人贈盡帶春風入
我家醉倒吟翁君不見兒童偷與插烏紗

上胡先生

昨夜重思太古音確然獨抱一張琴因何不聽吾夫
子枉被雕蟲累到今

和潘朝奉

大人高調我旁酬韻欲更時更少留待學鸞歌聲已
嘎將追驥乘老而道曉隨帆去雲連海暮望潮來月
滿洲須道詩翁非世俗年家情義幾時休

和呂秘校十首

董子書悖正寂寥阮君何事顧吾曹兩篇有若雙瓊
贈八句多於一字褒莫恨潘安頭早白須知郢客調
彌高鸞鳳豈是塵埃物待看青雲振羽毛

王子如今未夢刀不須感慨論官曹寢即悟意猶為
相鄩尉知名固可褒嗟爾歲華何太速顧予儒業若
為高四詩已有重笈意肯學區區鄭與毛

東平心事本雄豪何必才名獨慕曹學比今儒醇且
與詩如古義刺而褒鄒之夫子誠堪嘆霸者將軍未
足高賢傑固當謀遠到莫論山岳與鴻毛

能建功名是俊豪區區時輩乃兒曹班超投筆寧無
志樊噲橫行謝見褒兵法每羞孫臆誰將才惟愛武
侯高他年不負東平約符假偏師入不毛

我謂君才似楚騷文章自可作清曹但持古道徐而

待莫顧時人毀與褒水以源深流自遠竹因根老節
彌高如今且作東山卧萬事紛紛比一毛

東平夫子困徒勞又着青衫詣選曹州縣頗聞輿論
屈朝廷當用詔書褒囊中莫把詩編去輦下方虞紙
價高曼倩若教為近侍舍人須愧古無毛

方今天子急賢時不信王通願已違梅福九江難好
道陶公八翻易難飛世排韓愈為文僻客顧楊生載
酒稀多謝好詩來贈我曉齋歌誦暮而歸

汾上儒生又續詩陽春已調本相違聊因扣角攄深
憤安得磨天逞快飛陶氏弄琴卑俗甚并丹持刺出

門稀有時入市謀甘脆懷橘携壺即便歸
太平儒者好吟詩鼓腹而歌事豈違顧我才華常患
少喜君辭翰動而飛不憂陋巷簞瓢罄惟恐蘭亭唱
和稀更約山翁同一醉梅花將謝燕將歸
吾道窮通自有時功名豈便與心違磨天未逐溟鵬
奮歛翅尚如籬鷄飛鳴鳳卜遲君莫笑玉山醉倒事
何稀梅花將謝剌沽酒待向花前倒載歸

贈蔡子驤二子

鳳子能雙舉新從日下回日邊是雲霧却帶越書來
節孝先生文集卷第十九



